

*II. An Extract of a Letter from Dr. Wallis, of  
May 4. 1697, concerning the Cycloid  
known to Cardinal Cusanus, about the Year  
1450; and to Carolus Bovillus about the  
Year 1500.*

**E**narrat *Torricellius*, inter opera sua Mathematica Anno 1644 edita, Quod Cycloidem consideraverat *Galileus* tum ante annos 45, (adeoq; Anno saltem 1599, aut adhuc prius;) Quodque adjacentis Figuræ Quadraturam aggressus fuerit (& quibus modis sit aggressus;) sed non est asscetus.

Eandem Curvam *Anonymous* quidam Gallus, in *l'Historie de la Roulette*, Anno 1658 Gallice edita, *Mersenne* tribuit; ut qui Anno 1615 (primus omnium, ut ipsi videtur,) eam Gallis suis considerandam proposuit, *la Roulette* dictam, seu *Trochoidem*. Non quod ipse Figuræ Quadraturam invenerit (aut quidem aggressus fuerit;) sed quod considerandam proposuerit.

Et quidem omnino fieri potest, ut *Mersennus*, per se, in eandem Curvam inciderit, (nolim enim meritissimo Viro quicquam derogare,) nescius eam a *Galileo* fuisse ante consideratam. Num autem id sciverit, aut non sci- verit *Mersennus*, non constat. Ut cunque vero (sive sciverit sive non sciverit) *Mersenne* non debet præjudicio esse, aut vitio verti, quod eam porro considerandam proposuerit. Certum enim est, eam (sive Curvam, si- ve Figuram adjacentem,) non fuisse tum temporis ita perspectam prout nunc est.

Anno demum 1644, *Terricellius* suam edidit Figuræ Quadraturam, (Demonstratione munitam,) nempe, *Cy- cloidem esse Circuli Genitoris Triplam*; Modumque du-

P p p cendi

cendi *Tangentes*. Et quidem primus omnium, quod sciam, hæc edidit.

Sed *Robervallium*, aiunt, Anno 1634, hanc Quadraturam prius invenisse; quamvis ea non fuerit typis edita, (nec quidem scio an etiamnum sit.) Quod quidni verum sit, non video: quamvis id nesciverit *Torricellius*.

At certum est, neque *Mersennum*, neque *Galileum*, primos esse qui Curvam hanc consideraverint. Extat enim apud *Carolum Bovillum*, inter opera sua Mathematica, Annis 1501, 1503, 1510, edita; & speciatim in eo ubi agitur de *Circuli Quadratura*.

Ubi, inter alia plura, ostendit, Quod (dum Circulus super rectam in plano volvitur perimetro æqualem) quodlibet Peripheriae punctum (ascendendo & descendendo) Curvam describit (nempe, eam quam jam *Cycloidem* dicimus;) & quidem, quodlibet in circuli plano Punctum intra circulum (solo Centro excepto) ascendendo & descendendo curvam itidem describit, (nempe, quam jam dicimus *Cycloidem Protractam*;) Centro autem describitur *Recta*, perimetro æqualis.

Ostendit item, Quod Parallelogrammum intra quod volvitur Circulus (illud, puta, quod Cycloidi circumscribitur,) est *Circuli Quadruplum*. Unde foret illatu facile, Quod (si eximatur, medio loco, circulus qui est Cycloidis Axi circumpositus) Parallelogrammi reliquum foret *Circuli Triplum*. Quod vix aliud est quam *distorta Cyclois*; saltē huic æquatur. Vel, si auferatur, id quod est extra Cycloidem, (quod ostendi potest circulo æquale) manebit Cyclois, circuli Tripila. Sed hoc ea ætate non innotuit.

Sed & (ante *Bovillum*) Cardinali *Cusano* notam fuisse constat. Quem in plerisque sequitur *Bovillus*, ab eo plurima mutuatus; (quod qui utrumque legerit, non dubitat;) quem & aliquoties citat.


Extat.

Extat utique in vetusto Codice Manuscripto, (quem ego nuper intuli in Bibliothecam Mathematicam Oxoniæ, quam *Savilianam* dicimus,) a quodam Johanne Scoblant, *Aquisgrani*, descripto; Anno 1454; vetusto charactere qui eam ætatem sapis. *Aquisgrani*, inquam, sic enim lego quod ibi scribitur *Aquiſg'*.

Id liquet ex Notis, quas ad variorum Tractatum calcem subjunxit scriba; quo die fuerit Tractatus ille absolu-tus. Nempe, ad calcem unius, *Finiri Aquisgrani, Anno Dom. 1451, Octava Sci. Leopardi. J. Scoblant.* Ad calcem alterius, *Ipsa die Annunciationis 1454, Aquisgrani, Jo. Scoblant.* Ad calcem hujus de quo agitur, *Jo. Scoblant Aquisgrani 1454, Febr. die Sci Mathiæ:* Ad calcem alterius, *Per me Jo. Scoblant 1454 Aprilis die 18.* Ad calcem ultimi, 1454, *28 Aprilis, per Jo. Scoblant Script'.* Ut de codicis antiquitate non sit dubitandum. Quanto autem prius, Tractatum hunc conscripsit *Cusanus*, quam codicem hunc descriptis *Scoblantus* ille; non liquet. Certe non multis annis; quippe in Pontificatu Papæ *Nicolaï V.* cui dicatur.

Hæc, inter opuscula quædam Cardinalis *Cusani*, (ubi agitur de Quadratura Circuli, Mechanice perficienda,) conspicitur hæc Figura. Codicem cito MS. quia, in codicibus editis, Figura perperam describitur. Et quidem, in MS. haud satis accurate, sed rudiori manu, descripta est (prout sunt istius codicis Figuræ omnes) & a scriba qui videtur rem ipsam haud satis intellexisse. Sed quæ (ad mentem *Cusani* restituta) sic se habet. *vid. Fig. 1.*

Ubi notandum est (ex antecedentibus apud *Cusanum*) quod *hp* est ipsi constans character quo designat *Semidiametrum circuli expositi*: Et ab constans character quo designat *Rectam æqualem ejusdem Perimetro*; puta, quam Circulus super Planum volutus commen-turat suæ Perimetro æqualem. His præsuppositis; *Cusanus* verba (quæ hanc Figuram spectant) rite intelligantur. *viz.* P p p p 2 " Date



“*Dato Circulo, Quadratum æquale assignare. Hoc sic facito. Inter hp [hoc est, semidiametrum expositi Circuli:] & medietatem ab, [hoc est, Rectæ quam Circulus super Planum volutus, com mensurat suæ perimetro æqualem,] recipias medium proportionale; per nonam sexti Euclidis: [intellige, secundam Editionem Campani; quæ est, in Editione Clavii, 13 e 6.] quod est costa Quadrati æqualis.*”


Hæc est *Cusanus* constructio hujus Figuræ, suis verbis. Unde manifestum est; Quod (coincidentibus punctis *p a* in puncto contactus prioris Circuli) curva quam describit *p* punctum, dum circulus volvit ab *a* ad *b* (cui Curva nomen non assignat *Cusanus*) est ea curva quam jam *Cycloidem* aut *Trochoidem* dicimus. Rectaq; contactuum puncta conjungens, est (quæ jam dicitur) *Basis Cycloidis*; Quodque *ab* seu *pb* æqualis ceneri deberet Perimetro expositi Circuli. (Secus enim, *Costa Quadrati Circulo æqualis*, non foret media proportionalis inter *medietatem* *hujus* & *Semidiametrum expositi circuli.*)

Quod cum Scriba non satis animadverterit, rudi manu Figuram delineavit; Circulos describens justo maiores; Punctumq; *p*, quod ponendum erat in Circuli peripheria, ille paulo inferius ponit; Punctumq; *b*, quod ponendum erat in contactu posteriori, ponit ille paulo circa; Curvamq; puncto *p* descriptam, quæ terminanda erat in ipso punto posterioris contactus, ille paulo ultra terminat. Quæ facile excusanda forent.

Sed & (quod rem totam manifesto mendo perturbat) costam insimam Quadrati Circulo aptati (quæ ponenda erat paulo supra Figuræ Basin) ille cum Base confundit; quasi in ipsa Base producta jaceret.


Quam Figuram, ut in MS comparet rudiſcule delineatam, libet hic fideliter exscriptam exhibere; ut Lectori constet quid fieri debuit ad mentem Cufani, & quid factum sit ex imperitia scriptoris.

Atque hoc idem peccatur in Libris Editis: Ubi, inter alia plura opera Cufani, Edita Basileæ 1565 (sed &, credo, multo prius) habetur Tractatus hic



*De Mathematicis Complementis; cum Annotationibus  
cujusdam Omnisanti: Qui (præterquam quod costam  
illam insimam, vel non posuit, vel perperam posuit) Fi-  
guram nimis contrahit: Et, pro curva Cycloidis, perpe-  
ram pingit Arcum Circuli; omnino contra mentem Cu-  
sani; quam ille non satis intellexit. Figuram illam  
non appono: Ut nec quæ apud Bovillum habentur:  
Ut quæ conspicienda habentur in libris Editis.*

*Cusanus autem postquam hanc Quadrati Costam (seu  
Latus) in hoc schemate designaverat pro uno aliquo  
Circulo; procedit (in alio Schemate) ad Mechanismum  
suum, pro alio quovis Circulo, accommodandum, viz.*



*" Et medietatem costæ fig-  
" na in linea quæ ad angulum  
" rectum conjungitur bp in  
" Centro, & sit br, trahe  
" do pr: & habes angulum  
" hpr: Quem facito ex ære  
" aut ligno. Et, modo quo  
" supra, cum illo omnes Cir-  
" culos quantocvys quadrare  
" poteris. Nempe, Forma-*

*to hoc angulo, hpr, si ponatur super bp semidiameter  
cujusvis circuli; crus reliquum (anguli sic formati) ab-  
scindet, in br, semi-latus Quadrati Circulo æqua-  
lis.*

*Atque hinc satis liquet, Cycloidem quam nunc dici-  
mus, jam ante aliquot secula fuisse consideratam: Sed  
hoc tandem seculo penitus perspectam.*